

Forfatter: Aakjær, Jeppe

Titel: Udrag fra DA Æ BJÆRMAND KAM.

Citation: Aakjær, Jeppe: "Digte 1908-1918. - 1918", i Aakjær, Jeppe: *Digte 1908-1918. - 1918*, Gyldendal, 1918-19, s. 58. Onlineudgave fra Arkiv for Dansk Litteratur: <https://tekster.kb.dk/catalog/adl-texts-aakjaer02val-shoot-idm139850576750768/facsimile.pdf> (tilgået 29. april 2024)

Anvendt udgave: Digte 1908-1918. - 1918

Saa fløw han da ind imell Haabro Hus,
 Klump—Dump! Hump-i-Skump!
 te æ Drikkels ret blarped a Kopp og a' Krus
 og Kræn Haabro glemt hans: Godawten!

Æ Krowmands Dar røw han løs fræ si Fals,
 Klump—Dump! Hump-i-Skump!
 og æ Darkam hænd om æ Bjørmands Hals,
 da han sto i æ Stow imud Awten.

Og nu begynd da æ Skinting aa drikk,
 Klump—Dump! Hump-i-Skump!
 saa læng te han kund bælg i sæ for Hikk,
 for *de'* el jo komm ad æ Awten.

En trørr Pots Anker med jawnhen Øl —
 Klump—Dump! Hump-i-Skump!
 den tæmt æ Skuel som en Fingerbøl
 og rat atter mie inden Awten.

Og band en Spuns ham lovie haadt,
 Klump—Dump! Hump-i-Skump!
 han stem'en ind med hans Tommeltot,
 saa det prost i hans Skjek under Awten.

Og Rumpunsflasker, de stur som smø —
 Klump—Dump! Hump-i-Skump!
 — han knak dje Hals mud hans sture Tø,
 som en knækker en Lopp imud Awten.

Hwer Brændvinsbimpel, hwer Vinglajsdrøp
 Klump—Dump! Hump-i-Skump!
 — han suet æ ud te den sidste Sep,
 som en Snog suer Døg om æ Awten.

æ Drikkels, Drikkevarerue; *blarped*, skvulped; *hænd*, hængte; *æ Stow*, Stuen; *æ Skinting*, Asnet; *trørr*, trædive; *jawnhen*, ret godt; *tæmt*, lømte; *æ Skuel*, Kjeltringen; *rat*, rakto; *stemt*, trykkeds; *Tø*, Taa; *Sep*, Draabe; *de'*, ikke, en Forstærkning af *et*.